


Alkitab Sagan Kakanakan

Mengenal akan

Pa bila Tuhan maulah
segala anunya



Panulis: Edward Hughes

Nang manggambar: Byron Unger; Lazarus
Alastair Paterson

Nang manyusun: Bob Davies; Tammy S.

Nang mangartikan: christian-translation.com

Nang mamproduksi: Bible for Children
www.M1914.org

©2021 Bible for Children, Inc.


Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.




Siapa nang mulah kita? Alkitab, Firman Tuhan,
bepadah kaya apa katurunan manusia tu batumat.
Batahun-tahun nang lalu, Tuhan maulah manusia nang
pertama lawan mambari ngarannya adam,
Tuhan maulah adam dari dabu tanah.



Wayah itu, Tuhan maniap hinak hidup sagan adam,
inya hidup. Inya manamui awaknya ada dalam sabuah
taman nang bagus banar, ngarannya taman eden.




Sabalum Tuhan maulah adam, Inya (Tuhan) maulah sabuah dunia nang bagus banar, isinya hal-hal nang luar biasa. Bagimitan Tuhan maulah wadah-wadah babukit-bukit lawan padang kumpay nang luas banar, ...



... kembang-kembang nang harum lawan papohonan nang tinggi-tinggi, burung-burung nang babulu bagus, lawan penyangat-penyangat nang mandangung, iwak-iwak paus nang bakunyungan lawan kalimbuay nang licin. Wan kanyataannya, Allah maulah segala anunya di dunia - segala anunya.



Wan hahanyarannya, sabalum
Tuhan maulah segala anunya,
kadedda apapun selain Tuhan,
kadedda urang atawa wadah
atawa nang lainny. Kadedda
apa-apa, kada ada
tarang, kadedda
kadab. Kadedda
atas, kadedda
bawah. Kadedda
kamarin. Hinggan
Tuhan sorang ja sagan
nang kada beawal. Imbah
tu Tuhan batindak!




Wan hahanyarannya, Tuhan maulah
langit lawan bumi.




Lawan bumi kada
ba'aturan lawan kosong.
Lawan masih kadab
dunia ni. Imbah
tu Tuhan
abahnder.
"Barang
tarang!"



Tarang tu gin ada. Tuhan mambari ngaran tarang tu siang lawan kadab tu di ngarani malam. Barang malam lawan barang tarang hari nang pertama.



Wan hari kadua, Tuhan mambawa banyu lautan,
laut lawan danau-danau di bawah langit. Wan hari
katiga, Tuhan bepander, "Biarlah tanah karing ada."
Nang itu gin jadi.



Tuhan gin manyuruh kumpay-kumpay lawan
kembang-kembang lawan padang sabat lawan
pohon-pohon mancungul. Barang
malam lawan barang tarang
itu pang hari katiga.




Imbah tu Tuhan maulah
matahari, lawan bulan, lawan
rahat sangat bitang lawan
kadedda saikung urang nang
bisa mahitungnya.



Makhluk-makhluk laut lawan iwak-iwak lawan burung-burung marupakan daftar ulahan Tuhan nang salanjutnya. Wan hari kalima Tuhan maulah iwak todak lawan iwak-iwak sarden nang halus, burung-burung unta lawan burung-burung kolibri nang halus. Tuhan maulah satiap janis iwak sagan mahibaki lautan lawan satiap janis burung sagan merasai tanah, laut lawan langit. Barang kadab lawan barang tarang itulah hari kalima.



Imbah tu, Tuhan bafirman lagi, Inya (Tuhan) bepadah, "Handaklah bumi mangaluar akan sabarataan makhluk nang hidup..." satiap macam binatang lawan serangga lawan binatang melata barang. Di sana di bumi gajah-gajah nang mangguncang akan lawan berang-berang nang haur. Warik-warik nang macal lawan buaya-buaya nang kabingungan.



Cacing nang manggaliat-manggaliat lawan tupai nang muhanya lamak. Jerapah nang kurus lawan canggung lawan kucing nang ngorok. Sebrataan jenis hewan di ulah hari itu jua.


Barang kadab lawan narang tarang itu lah jari ka anam.



Tuhan menggawi hal-hal nang lain pas hari ka anam - sesuatu nang bujur-bujur berharga. Wayah ni, sebrataan anunya sudah siap sagan manusia. Ada makanan nang di ladang lawan binatang-binatang sagan melayaninya.



Lawan Tuhan bepadah, "Ayuja, kita manjadi akan urang maumpati gambar lawan muha kita. Panyaman buhannya berkuasa atas iwak-iwak di laut, lawan burung-burung nang ada di udara lawan sabarataan ternak lawan atas saluruh bumi." IMBAH TU ALLAH MAULAH MANUSIA TU MANURUTI GAMBARNYA; MANURUT GAMBAR ALLAH DIULAHNYA INYA ...



Tuhan berfirman sagan
adam. "Sebrataan
pohon nang ada di
taman ni bisa ikam
makan buahnya
tasarah haja nang
mana, tapi pohon nang
mambari kapintaran
nang bisa maulah tahu
mana nang baik lawan
nang jahat, jangan ikam
makani buahnya, oleh
pas ikam makan, ikam
pasti mati."



Lawan Tuhan Allah bafirman,
"Kada baik, amun manusia
ngini saurangan haja. Aku
(Tuhan) handak manjadi akan
panolong sagannya, nang
sama dengan inya."



Tuhan mambawai sabarataan burung lawan sabarataan binatang nang ada di hutan sagan adam. Imbah tu adam mambari ngaran buhannya sabarataan. Inya pintar banar sampai bisa menggawinya. Tapi di antara sabarataan burung lawan binatang tu kadeda nang sama dengan adam.



Tuhan maulah adam taguring, guringnya nyenyak banar. Tuhan ma'ambil sabuting tulang rusuk adam, lawan maulah saorang binian dari tulang iga adam, biniannya tu di ulah akan sagan menjadi pasangan adam.



Pas dalam taman eden, adam lawan hawa bininya kahimungan lawan menaati Tuhan awan sempurna. Tuhan adalah Allah buhannya, nang melindungi buhannya lawan kawan parak buhannya.



Pa bila Tuhan maulah segala anunya

Sabuting kisah matan Firman Tuhan, Alkitab

Taulih dalam

Kejadian 1-2

"Amun tabuka, firman-firmanPian mambari
pahaman." Mazmur 119:130



Tuntung



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

